



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

**Name of School** : HKUGA PRIMARY SCHOOL

**学校名称** : 港大同学会小学

**Name of Play 剧名** : 最遥远的近距离

**Script writer 剧作者** : 蔡松合

**Synopsis 故事大纲 :**

一位事业心重又工作忙碌的女儿，经常疏忽照顾年老的母亲。有一天，女儿如常外出工作。但母亲因为有认知障碍症，以为自己的女儿还在幼稚园上学，于是乎老远跑到中上环去接女儿放学。途中遇上几位正在进行城市定向的中学生，他们需要籍着一些谜语去寻找一些中上环区的建筑或地标。母亲对于新事情转眼就忘记，但对旧事物或典故了如指掌，协助中学生们把难题一一迎刃而解，令同学们更加认识自己所生活的社区。但母亲在比赛最后关头因体力不支晕倒，同学们一同协助母亲到幼稚园接放学。到了幼稚园，完全找不到她女儿的任何记录，母亲激动下晕倒入院。女儿知道母亲千辛万苦都要接到二十年前的她放学，才醒觉自己亏欠了母亲。并且愿意放下工作，陪伴母亲一同走下去。



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

**第一场**

地点：上环西港城附近

时间：早上

人物：晋，诗，兴，婆，青年 1，青年 2

女：最遥远的近距离

第一场 上环西港城附近

（一位老婆婆拿着破烂的雨伞背着一个小背囊，正在追着一位青年）

青年 1： 你唔好跟住我 啦！

婆： 你帮下我啦！

青年 2： 我真像唔知道喺边度呀！我都同啲队友失散咗，唔得闲帮你呀！

婆： 我好赶时间，帮下手吖！

青年 1： 我都好赶时间吓，我哋玩紧”City Hunt”，唔得闲招呼你，问过第二个啦。。！

婆： 咩亨啤？

青年 2： City hunt 即系城市定向呀！要系上环区用最快时间搵晒全部 checkpoint!!

婆： 啊!。。你求其话我知点行去就得架啦!!

青年 1+2： 哎呀!。。我比紧赛架！

（此时两组参加城市定向赛的青年相遇）

青年 1： 咦！也咁岩呀！

兴： 原来系你。。？咦！你啲队友呢？

青年 2： 咩呀，我哋分头行事啫！

青年 1： 系啫！今次比赛唔好乱食野啦！

兴： 我食咩关你咩事呀！

青年 1： 如果唔系又肚痛㗎啦！

青年 2： 搅到返唔到终点就无谓啦。。哈哈！上次个三文治系咪好正呢！

兴： 噢！原来上次个三文治系你加咗料！

晋： 唔好同佢嘈！

诗： 我地有乜时间啦！

青年 1： 咁呀系呀！要快啦。。



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

青年 2: 我地仲有两个 check point 喳！你地慢慢吓！ Bye Bye!

兴: 我地今年唔可以再输比班衰人架啦！

（在上环有很多年青人拿着手机，在街道上走来走去。更有些在马路上穿来插去险象环生，原来正进行城市定向的活动。此时舞台上有一队参赛队伍出现）

晋: （看着手机）有问题啦！上环最多人摆酒结婚慨街市喺边嘢？

诗: 会有人喺街市摆酒结婚慨咩？

兴: 只要你钟意。。你喺厕所摆酒都得㗎！

晋: 快啲上网 check 吓啦！

兴: Check 啦！

诗: Check 咪 check 嘍！街市摆酒。。有啦，有啦！西港城慨前身系旧上环街市，喺 1906 年兴建慨。

兴: 咦！咪即系哩到嘍！

晋: 系呀！冇错，打埋咭先！

诗: 搅掂！

兴: 我都搅掂！估唔到话咁快又搵咗一个 check point ！

晋: 无论如何，我哋今次一定要赢！

诗: 上次唔系因为肥仔兴临尾肚痛，我哋洗输比班衰人！

兴: 上次食错野，今日一定唔会！

晋: 好！今日无论几肚痛，都要忍到赢为止！（望着手机）下一个 check point 慨提示系。。上环最多不明气体嘅地方？

诗: 最多不明气体。。仲唔系公厕!。。上环最多公厕架啦！

兴: 嗱！我话就应该系.....文武庙

晋: 最多不明气体。。不明气体。。最多气体？。。吖。。最。。多。。戏睇！

诗和兴: 咩呀！？

晋: 最。。多。。戏。。睇呀！

诗和兴: （被一言惊醒）上环文娱中心！

晋: yes! 文娱中心剧院咪最多戏睇嘍，快啲去。。。!

晋: 咁就快啲打埋咭先啦！

诗: 上环文娱中心。。系哩到啦！



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

兴： 搅掂！而家仲有四个 check point!

婆： 唔该你地可唔可以帮个忙呀？

晋： 有咩事呀婆婆？

婆： 咩婆婆呀！我而家好老咩！

晋： 哈哈！哩位太太，有咩可以帮到你呢？

婆： 我想问去牛奶公司行边处呀？

兴： 牛奶公司？

婆： 你哋知唔知系边呀？

（三人互望）

晋： 我地上网帮你查下啦！（指示阿诗上网找）

诗： 咁！搵到啦！你要搵牛奶公司，即系而家慨艺穗会！

艺穗会前身系牛奶公司喇冷藏库嚟，因为荒废咗好多年，政府就收咗佢来举办艺穗节之后就变成艺穗会啦！

婆： 都唔知妳喻乜！

晋： 太太呀！。。！

婆： 叫我阿 May ！

晋： May 姐姐妳等等，你系咪要去嗰度。

婆： 哩到系边道呀！

兴： 上环呀！

婆： 吓！

晋： 哩到咪上环文娱中心！

婆： 系啲！但条点解对面 d 铺头，我都唔认得慨？唔紧要啦！我赶住去接放学呀！

（此时婆婆好像体力不支晕一晕）

晋： May 姐姐！你冇事咁嘛？不如妳坐低休息下啦！

婆： 唔洗唔洗！我赶住接放学呀！

兴： 要快啦！我地仲有四个 checkpoints。

晋： 下一站 慨提示系。。上环有间麦当奴开慨中医！

兴： 边间 呀！

诗： 会唔 会条麦当奴道慨一间中医呀！

兴： 麦当奴道都唔系喺上环！



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

婆： 我知边啲！

众： 妳知。。？

婆： 话比你 哋知都得，但系你哋要扶我上荷李活道！

晋： 好呀！有问题！

婆： 系东华医院呀！

诗： 东华系麦当奴开慨咩！系咪架？

婆： 你地啲后生慨，净系识用手机 check 哩样，check 个样！上网搵番黎啲嘢又唔知真定假。话你知啦。。东华医院系港督麦当奴拨钱起慨，上环系得哩间医院先至有中医睇架！九乘九系东华！

兴： 系咪架？

晋： 系咪！？。。行上去睇下咪知啰！（已先起行）

婆： 喂！边个殭我上荷李活道啊！

晋： 肥仔兴！呢个重任交比你，我地上去打咭先！

兴： 有冇搅错呀！

婆： 你殭我啦！

兴： 咩话。。殭你！。。好！帮我攞住部电话先！冲呀。。！